

新删定四分僧戒本（背诵版） 出县无德部 唐终南山沙门道宣删定

稽首礼诸佛，及法比丘僧，今演毗尼法，令正法久住。
戒如海无涯，如宝求无厌，欲护圣法财，众集听我说。
欲除四弃法，及灭僧残法，障三十捨堕，众集听我说。
毗婆尸式弃，毗舍拘留孙，拘那含牟尼，迦叶释迦文。
诸世尊大德，为我说事，我今欲善说，诸贤咸共听。
譬如人毁足，不堪有所涉，毁戒亦如是，不得生天人。

欲得生天上，若生人中者，常当护戒足，勿令有毁损。
如御入险道，失辘折轴忧，毁戒亦如是，死时怀恐惧。
如人自照镜，好丑生欣戚，说戒亦如是，全毁生忧喜。
如两阵共战，勇怯有进退，说戒亦如是，净秽生安畏。
世间王为最，众流海为最，众星月为最，众圣佛为最。
一切众律中，戒经为上最，如来立禁戒，半月半月说。

僧集不？(答云：僧已集) 和合不？(答云：和合) 未受具戒者出。不来诸比丘说欲及清净。

谁遣比丘尼来请教诫？(答云：此众无尼来请教诫)。僧今和合何所作为？(答云：说戒羯磨)。

大德僧听！今白月十五日(或黑月十五日，或十四日不定)，众僧说戒。若僧时到，僧忍听，和合说戒，白如是诸大德。

诸大德！我今欲说波罗提木叉，诸比丘共集在一处，当应谛听善思念之。若有犯者应忏悔，无犯者默然，默然故，知诸大德清净。

若有他问者，即应如实答。如是诸比丘在于众中，乃至三问，忆念有罪不发露者，得故妄语罪。佛说故妄语是障道法，彼比丘自忆知有罪，欲求清净者，当忏悔，忏悔则安乐。

诸大德！我已说戒经序。今问诸大德！是中清净否？(三说) 诸大德！是中清净，默然故，是事如是持。

诸大德！是**四波罗夷法**，半月半月说，戒经中来。

1 若比丘，共戒，同戒，不捨戒，戒羸不自悔，犯不净行，乃至共畜生。是比丘波罗夷，不共住。

2 若比丘，在村落中，若闲静处，不与物，盗心取。随不与取法，若为王及大臣所捉，若缚、若驱出国、若杀，“汝是贼，汝痴，汝无所知。”是比丘波罗夷，不共住。

3 若比丘，故断人命，持刀与人，叹誉死快劝死。“咄！男子，用此恶活为？宁死不生。”作如是思维，种种方便，叹誉死快劝死。是比丘波罗夷，不共住。

4 若比丘，实无所知，自称言：“我得上人法，我已入圣智胜法，我知是，我见是。”彼于异时，若问若不问，欲自清净，故作是说：“我实不知不见，言知言见，虚逛妄语。”除增上慢。是比丘波罗夷，不共住。

诸大德！我已说**四波罗夷法**。若比丘犯一一法，不得与诸比丘共住如前，后犯亦尔。是比丘得波罗夷罪，不应共住。

今问诸大德！是中清净否？(三说) 诸大德！是中清净，默然故，是事如是持。

诸大德！是**十三僧伽婆尸沙法**，半月半月说戒经中来。

1 若比丘，故弄阴失精；除梦中，僧伽婆尸沙。

2 若比丘，淫欲意，与女人，身相触，若触一身分者，僧伽婆尸沙。

3 若比丘，淫欲意，与女人，粗恶淫欲语者，僧伽婆尸沙。

4 若比丘，淫欲意，于女人前，自叹身言：“大妹，我修梵行，持戒精进，修善法，可持是淫欲法供养我，如是供养第一最。”僧伽婆尸沙。

5 若比丘，往来彼此媒嫁，持男意语女，持女意语男；若为成妇事，及为私通事，乃至须臾顷，僧伽婆尸沙。

6 若比丘，自求作屋，无主，自为己，当量作。是中量者，长佛十二磔手，内广七磔手。

当将诸比丘指授处所，彼应指授处所，无难处无妨处。若比丘，有难处妨处，自求作屋，无主，自为己，不将诸比丘指授处所，若过量作者，僧伽婆尸沙。

7 若比丘，欲作大房，有主，为己作。

当将余比丘指授处所，彼应指授处所，无难处无妨处。若比丘，难处妨处，作大房，有主，为己作，不将余比丘指授处所者，僧伽婆尸沙。

8 若比丘，嗔恚所覆故，非波罗夷比丘，以无根波罗夷法谤，欲坏彼清净行。

彼于异时，若问若不问，知此事无根说：“我嗔恚故，作是语”者，僧伽婆尸沙。

9 若比丘，以嗔恚故，于异分事中取片，非波罗夷比丘，以无根波罗夷法谤，欲坏彼清净行。

彼于异时，若问若不问，知是异分事中取片，便言：“我嗔恚故，作是语”者，僧伽婆尸沙。

10 若比丘，欲坏和合僧，方便受坏和合僧法，坚持不捨。

彼比丘应谏是比丘言：“大德！莫坏和合僧，莫方便坏和合僧，莫受坏僧法，坚持不捨。大德应与僧和合，欢喜不诤，同一师学，如水乳合，于佛法中有增益安乐住。”

是比丘如是谏时，坚持不捨。彼比丘应三谏，捨此事故，乃至三谏。捨者善；不捨者，僧伽婆尸沙。

11 若比丘，有余伴党，若一二三，乃至无数。

是比丘语彼比丘言：“大德！莫谏此比丘，此比丘是法语律语比丘，此比丘所说，我等喜乐，我等忍可。”

彼比丘应谏是比丘言：“大德！莫作是说，言此比丘是法语律语比丘，此比丘所说，我等喜乐，我等忍可，然此比丘非法语律语比丘。大德！莫欲坏和合僧，汝等当乐欲和合僧。大德与僧和合，欢喜不诤，同一师学，如水乳合，于佛法中有增益安乐住。”

是比丘如是谏时，坚持不捨。彼比丘应三谏，捨此事故，乃至三谏。捨者善；不捨者，僧伽婆尸沙。

12 若比丘，依聚落，若城邑住，污他家，行恶行，俱有见闻。

诸比丘当语是比丘言：“大德！污他家，行恶行，俱有见闻，今可远此聚落去，不须住此。”

是比丘语彼比丘言：“大德！今僧有爱有恚有怖有痴，有如同罪比丘，有驱者有不驱者。”

诸比丘谏言：“大德！莫作是语，言僧有爱有恚有怖有痴，有如同罪比丘，有驱者有不驱者。而僧不爱不恚不怖不痴，大德污他家，行恶行，俱有见闻。”

是比丘如是谏时，坚持不捨。彼比丘应三谏，捨此事故，乃至三谏。捨者善；不捨者，僧伽婆尸沙。

13 若比丘，恶性不受人语，于戒法中，诸比丘如法谏已，不受谏语。

言：“诸大德！莫向我说若好若恶，我亦不向诸大德说若好若恶，大德且止，莫数谏我。”

彼比丘谏是比丘言：“大德莫不受谏语，大德当受谏语，大德如法谏诸比丘，诸比丘亦如法谏大德，如是佛弟子众得增益，展转相谏、相教、忏悔。”

是比丘如是谏时，坚持不捨。彼比丘应三谏，捨此事故，乃至三谏。捨者善；不捨者，僧伽婆尸沙。

诸大德！我已说**十三僧伽婆尸沙法**，九戒初犯，余至三谏。若比丘犯一一法，知而覆藏，应强与波利婆沙；行波利婆沙竟，增上与六夜摩那埵；行摩那埵已，应与出罪。当二十僧中出是比丘罪，若少一人不满二十众，是比丘罪不得除，诸比丘亦可呵，此是时。

今问诸大德！是中清净否？（三说）诸大德！是中清净，默然故，是事如是持。

诸大德，是**二不定法**，半月半月说戒经中来。

1 若比丘，共女人，独在屏覆障处，可作姪处坐，说非法语。有住信优婆夷，于三法中一一法说：若波罗夷、若僧伽婆尸沙、若波逸提，是坐比丘自言：“我犯是罪。”于三法中应一一治：若波罗夷、若僧伽婆尸沙、若波逸提，如住信优婆夷所说，应如法治是比丘，是名不定法。

2 若比丘，共女人，在露现处，不可作姪处坐，说粗恶语。有住信优婆夷，于二法中一一法说：若僧伽婆尸沙、若波逸提，是坐比丘自言：“我犯是罪。”于二法中应一一治：若僧伽婆尸沙、若波逸提，如住信优婆夷所说，应如法治是比丘，是名不定法。

诸大德！我已说**二不定法**。

今问诸大德！是中清净否？（三说）诸大德！是中清净，默然故，是事如是持。

诸大德，是**三十尼萨耆波逸提法**，半月半月说戒经中来。

1 若比丘，衣已竟，迦絺那衣已出，得长衣经十日，不净施得畜。若过者，尼萨耆波逸提。

2 若比丘，衣已竟，迦絺那衣已出，于三衣中，若离一一衣异处宿；除僧羯磨，尼萨耆波逸提。

3 若比丘，衣已竟，迦絺那衣已出，得非时衣，欲须便受，受已疾成，若足者善；若不足者，得畜经一月，为满足故。若过者，尼萨耆波逸提，

4 若比丘，取非亲里比丘尼衣，除贸易，尼萨耆波逸提。

5 若比丘，使非亲里比丘尼浣、染、打故衣者，尼萨耆波逸提。

6 若比丘，从非亲里居士若居士妇乞衣，除余时，尼萨耆波逸提。余时者，夺衣、失衣、烧衣、漂衣，此是时。

7 若比丘，夺衣、失衣、烧衣、漂衣，是非亲里居士若居士妇，自恣请多与衣，是比丘当知足受。若过者，尼萨耆波逸提。

8 若比丘，居士居士妇为比丘具衣价，是比丘先不受自恣请，到居士家作如是说：“善哉居士，办如是衣与我，为好故。”若得衣者，尼萨耆波逸提。

9 若比丘，二居士居士妇与比丘办衣价，是比丘先不受自恣请，到二居士家作如是说：“善哉居士，办如是衣与我，共作一衣，为好故。”若得衣者，尼萨耆波逸提。

10 若比丘，若王、若大臣、若婆罗门居士居士妇，遣使为比丘送衣价。

彼使至比丘所言：“大德，今送衣价，可受取之”。

是比丘言：“我所不应，须衣合时，清净当受”。

彼使报言：“大德，有执事人不？”

比丘言：“有，若僧伽蓝民，若优婆塞，此是比丘执事人。”

彼使诣执事人所与衣价已，还到比丘所言：“大德，所示某甲执事人，我已与衣价，大德知时，往彼当得衣。”

须衣比丘当往执事人所，若一二三反为作忆念，得衣者善；若不得衣，应四五六反在前默然住，令彼忆念，得衣者善；若不得衣，过是求得衣者，尼萨耆波逸提。若不得衣，从所来处，若自往，若遣使往，语言：“汝先遣使送衣价与某甲比丘，是比丘竟不得衣，汝还取莫使失，此是时。”

11 若比丘，杂野蚕绵，作新卧具者，尼萨耆波逸提。

12 若比丘，以新纯黑羴羊毛，作卧具者，尼萨耆波逸提。

13 若比丘，作新卧具，应用二分纯黑羊毛、三分白、四分羴；若比丘，不用二分纯黑羊毛、三分白、四分羴，作新卧具者，尼萨耆波逸提。

14 若比丘，作新卧具，应满六年持，若减六年，不捨故，更作新者；除僧羯磨，尼萨耆波逸提。

15 若比丘，作新坐具，当取故者纵广一磔手，擘新者上，为坏色故；若比丘，作新坐具，不取故者，纵广一磔手擘者，尼萨耆波逸提。

16 若比丘，行道中得羊毛，须者应取；无人持，自持行三由旬。若过者，尼萨耆波逸提。

17 若比丘，使非亲里比丘尼浣、染、擘羊毛者，尼萨耆波逸提。

18 若比丘，自手受金银若钱，若教人取，若口可受者，尼萨耆波逸提。

19 若比丘，种种卖买宝物者，尼萨耆波逸提。

- 20 若比丘，种种贩卖者，尼萨耆波逸提。
- 21 若比丘，畜长钵不净施，得畜齐十日。若过者，尼萨耆波逸提。
- 22 若比丘，畜钵减五缀不漏，更求新钵，为好故，尼萨耆波逸提。彼比丘是钵应往僧中捨，展转取最下钵与之令持，乃至破，应持，此是时。
- 23 若比丘，自乞缕线，使非亲里织师织作衣者，尼萨耆波逸提。
- 24 若比丘，居士居士妇，使织师为比丘织作衣，是比丘先不受自恣请，往织师所言：“此衣为我作，汝当极好织，令广长坚致齐整好，我当与汝价。”是比丘与衣价，乃至一食直。得衣者，尼萨耆波逸提。
- 25 若比丘，先与比丘衣，后嗔恚，若自夺、若使人夺；是比丘应还衣，若取者，尼萨耆波逸提。
- 26 若比丘，有病，畜酥、油、生酥、蜜、石蜜，齐七日得服。若过者，尼萨耆波逸提。
- 27 若比丘，春残一月在，应求雨浴衣，半月应用浴；若比丘，春一月前，求雨浴衣，半月前用者，尼萨耆波逸提。
- 28 若比丘，十日未夏居竟，若有急施衣，应受；乃至衣时，应畜。若过者，尼萨耆波逸提。
- 29 若比丘，夏三月安居竟，至八月十五日满已，若迺远有疑恐怖畏难处，比丘在如是处住，于三衣中，若留一一衣置村舍内，及有缘事离衣宿，乃至六夜。若过者，尼萨耆波逸提。
- 30 若比丘，知他欲与僧物，自回入己者，尼萨耆波逸提。

诸大德！我已说**三十尼萨耆波逸提法**。

今问诸大德！是中清净否？（三说）诸大德！是中清净，默然故，是事如是持。

诸大德，是**九十波逸提法**，半月半月说戒经中来。

- 1 若比丘，知而妄语者，波逸提。
- 2 若比丘，种类毁誉语者，波逸提。
- 3 若比丘，两舌语者，波逸提。
- 4 若比丘，与女人共室宿者，波逸提。
- 5 若比丘，与未受大戒人共宿，过二夜，至三夜者，波逸提。
- 6 若比丘，与未受大戒人同诵者，波逸提。
- 7 若比丘，知他比丘有粗恶罪，向未受大戒人说；除僧羯磨，波逸提。
- 8 若比丘，向未受大戒人说过人法，言：“我知是，我见是”，见知实者，波逸提。
- 9 若比丘，与女人说法过五六语，除有智男子，波逸提。
- 10 若比丘，自手掘地，若教人掘者，波逸提。
- 11 若比丘，坏鬼神村者，波逸提。
- 12 若比丘，妄作异语恼僧者，波逸提。
- 13 若比丘，嫌骂僧知事者，波逸提。
- 14 若比丘，取僧绳床、木床、卧具、坐褥，露地自敷，若教人敷；捨去，不自举、不教人举者，波逸提。
- 15 若比丘，僧房舍内，敷僧卧具、坐褥，若自敷，若教人敷，若坐若卧；从彼捨去，不自举、不教人举者，波逸提。
- 16 若比丘，先知比丘住处，后来于其中间强敷卧具止宿，念言：“彼若嫌恚者，自当避我去”，作如是因缘非余、非威仪者，波逸提。
- 17 若比丘，嗔他比丘不喜，僧房舍内；若自牵出、若教人牵出者，波逸提。
- 18 若比丘，僧房若重阁上，脱脚绳床木床，若坐若卧者，波逸提。
- 19 若比丘，知水有虫，自用灌泥灌草，若教人灌者，波逸提。
- 20 若比丘，作大房舍，户扉窗牖及诸庄饰具，指授覆苫，齐二三节。若过者，波逸提。
- 21 若比丘，僧不差，教授比丘尼者，波逸提。
- 22 若比丘，为僧差，教授比丘尼，乃至日暮者，波逸提。
- 23 若比丘，语余比丘如是言：“诸比丘为饮食故，教授比丘尼”者，波逸提。
- 24 若比丘，与非亲里比丘尼衣，除贸易，波逸提。
- 25 若比丘，与非亲里比丘尼作衣者，波逸提。
- 26 若比丘，与比丘尼在屏覆处坐者，波逸提。
- 27 若比丘，与比丘尼，期同道行，乃至聚落，除余时，波逸提。余时者，伴行、有疑、恐怖处，此是时。
- 28 若比丘，与比丘尼，期同乘一船，若上水，若下水，除直渡者，波逸提。
- 29 若比丘，知比丘尼赞叹，因缘得食食，除施主先有意者，波逸提。
- 30 若比丘，与女人，期同道行，乃至聚落者，波逸提。
- 31 若比丘，施一食处，无病比丘应受，若过者，波逸提。
- 32 若比丘，展转食，除余时，波逸提。余时者，病时、施衣时、作衣时，此是时。

- 33 若比丘，别众食，除余时，波逸提。余时者，病时、施衣时、作衣时、道行时、船行时、大会时、沙门施食时，此是时。
- 34 若比丘，至檀越家，殷勤请与饼粝饭，比丘须者，应两三钵受，持至寺内，应分与余比丘食。若比丘，无病，过两三钵受者，波逸提。
- 35 若比丘，足食竟，或时受请，不作余食法，更食者，波逸提。
- 36 若比丘，知他比丘足食竟，若受请，不作余食法，殷勤请与食：“大德，取是食”。以是因缘，非余，欲使他犯者，波逸提。
- 37 若比丘，非时食者，波逸提。
- 38 若比丘，食残宿食者，波逸提。
- 39 若比丘，不受食，若药著口中，除水及杨枝，波逸提。
- 40 若比丘，得好美食，乳酪鱼肉，无病，自为己索者，波逸提。
- 41 若比丘，外道男女，自手与食者，波逸提。
- 42 若比丘，先受请已，若前食后食，行诣余家，不嘱余比丘，除余时，波逸提。余时者，病时、作衣时、施衣时，此是时。
- 43 若比丘，食家中有宝，强安坐者，波逸提。
- 44 若比丘，食家中有宝，在屏处坐者，波逸提。
- 45 若比丘，独与女人露地坐者，波逸提。
- 46 若比丘，语诸比丘如是语：“大德！共至聚落，当与汝食。”彼比丘竟不教与是比丘食，语言：“汝去，我与汝共坐共语不乐，我独坐独语乐”，以是因缘，非余，方便遣者，波逸提。
- 47 若比丘，请四月与药，无病比丘应受；若过受，除常请、更请、分请、尽形请者，波逸提。
- 48 若比丘，往观军阵，除时因缘，波逸提。
- 49 若比丘，有因缘至军中，若过二夜，至三夜者，波逸提。
- 50 若比丘，军中住，若二宿三宿，或观军阵斗战，或观游军象马势力者，波逸提。
- 51 若比丘，饮酒者，波逸提。
- 52 若比丘，水中戏者，波逸提。
- 53 若比丘，击搯他者，波逸提。
- 54 若比丘，不受谏者，波逸提。
- 55 若比丘，恐怖他比丘者，波逸提。
- 56 若比丘，半月洗浴，无病比丘应受；若过者，除余时，波逸提。余时者，热时、病时、作时、风时、雨时、远行来时，此是时。
- 57 若比丘，无病，为炙身故，露地然火；若自然，若教人然，除时因缘，波逸提。
- 58 若比丘，藏他比丘衣钵坐具针筒，若自藏，若教人藏，下至戏笑者，波逸提。
- 59 若比丘，净施比丘比丘尼、式叉摩那、沙弥沙弥尼衣，不问主辄著者，波逸提。
- 60 若比丘，得新衣，当作三种染坏色：青黑木兰；若比丘，得新衣，不作三种染坏色：青黑木兰，新衣持者，波逸提。
- 61 若比丘，故断畜生命者，波逸提。
- 62 若比丘，知水有虫饮用者，波逸提。
- 63 若比丘，故恼他比丘，乃至少时不乐者，波逸提。
- 64 若比丘，知他比丘有粗恶罪，覆藏者，波逸提。
- 65 年满二十，当与受大戒，若比丘，知年未二十，与受大戒，此人不得戒；诸比丘可呵，彼愚痴故，波逸提。
- 66 若比丘，知四诤事，如法灭已，后更发举者，波逸提。
- 67 若比丘，知是贼伴期同道行，乃至聚落者，波逸提。
- 68 若比丘，作如是语：“我知佛所说法，行婬欲非障道法。”
彼比丘应谏是比丘言：“大德！莫作是语，莫谤世尊，谤世尊者不善，世尊不作是语，世尊无数方便，说行婬欲是障道法。”
是比丘如是谏时，坚持不捨。彼比丘应三谏，捨此事故，乃至三谏。捨者善；不捨者，波逸提。
- 69 若比丘，知如是语人未作法，如是邪见不捨，供给所需，共同羯磨，止宿言语者，波逸提。
- 70 若比丘，知沙弥作如是语：“我知佛所说法，行婬欲非障道法。”
彼比丘应语此沙弥言：“汝莫作是语，莫谤世尊，谤世尊者不善，世尊不作是语，沙弥，世尊无数方便，说行婬欲是障道法。”
是沙弥如是谏时，坚持不捨。彼比丘应三谏，捨此事故，乃至三谏。捨者善；不捨者，彼比丘应语此沙弥言：“汝自今已后，非佛弟子，不得随余比丘，如余沙弥，得与大比丘二三宿，汝今无此事，汝出去灭去，不须住此。”若比丘知是被摈沙弥，若畜，同一止宿者，波逸提。
- 71 若比丘，余比丘如法谏时，作如是语：“大德！我今不学此戒”，乃至有智慧持戒律者，我当难问，波逸提。欲求解者，应当难问。
- 72 若比丘，说戒时，作如是语：“大德！何用说此杂碎戒为？说是戒时，令人恼媿怀疑”，轻呵戒故，波逸提。
- 73 若比丘，说戒时，作如是语：“大德！我今始知是法是戒经，半月半月说戒经中来。”若余比丘知是比丘，若二若三说戒中坐，何况多！彼比丘无知无解，若犯罪者应如法治，更重增无知罪。“大德！汝无利，得不善，汝说戒时，不一心思念摄耳听法”，彼无知故，波逸提。
- 74 若比丘，共同羯磨已，后如是语：“诸比丘随亲友，以僧物与者”，波逸提。

- 75 若比丘，僧断事，不与欲而起去者，波逸提。
- 76 若比丘，与欲已，后更呵者，波逸提。
- 77 若比丘，知他比丘斗争，听此语已，向彼说者，波逸提。
- 78 若比丘，嗔故不喜，打比丘者，波逸提。
- 79 若比丘，嗔故不喜，以手搏比丘者，波逸提。
- 80 若比丘，嗔故不喜，以无根僧伽婆尸沙法谤者，波逸提。
- 81 若比丘，刹利水浇头王，王未出，未藏宝；若入宫门过阙者，波逸提。
- 82 若比丘，若宝及宝庄饰具，若自捉、若教人捉，除僧伽蓝中及寄宿处，波逸提。若在僧伽蓝中及寄宿处，若宝及宝庄饰具，若自捉、若教人捉，识者当取，如是因缘非余。
- 83 若比丘，非时入聚落，不嘱余比丘者，波逸提。
- 84 若比丘，作绳床木床，足应高如来八指，除入陛孔上截竟。过者，波逸提。
- 85 若比丘，持兜罗绵，贮作绳床、木床、卧具、坐褥者，波逸提。
- 86 若比丘，用骨、牙、角作针筒，割刮成者，波逸提。
- 87 若比丘，作尼师檀，当应量作。是中量者，长佛二磔手，广一磔手半，更增广长各半磔手。若过成者，波逸提。
- 88 若比丘，作覆疮衣，当应量作。是中量者，长佛四磔手，广二磔手。若过成者，波逸提。
- 89 若比丘，作雨浴衣，当应量作。是中量者，长佛六磔手，广二磔手半。若过成者，波逸提。
- 90 若比丘，佛衣等量作。若过成者，波逸提。是中量者，长佛九磔手，广六磔手，是名佛衣等量。

诸大德，我已说**九十波逸提法**。

今问诸大德！是中清净否？（三说）诸大德！是中清净，默然故，是事如是持。

诸大德，是**四波罗提提舍尼法**，半月半月说戒经中来。

- 1 若比丘，入村中，无病，从非亲里比丘尼自手受食食，是比丘应向余比丘悔过言：“大德！我犯可呵法，所不应为，今向大德悔过。”是名悔过法。
- 2 若比丘，在白衣家食，是中有比丘尼指示与某甲羹，与某甲饭。诸比丘应语彼比丘尼言：“大姊且止！须诸比丘食竟。”若无一比丘语彼比丘尼者，是比丘应向余比丘悔过言：“大德！我犯可呵法，所不应为，今向大德悔过。”是名悔过法。
- 3 有诸学家，僧作学家羯磨，若比丘知是学家，先不受请，无病。自手受食食，是比丘应向余比丘悔过言：“大德！我犯可呵法，所不应为，今向大德悔过。”是名悔过法。
- 4 若比丘，若阿兰若迥远有疑恐怖处，比丘在如是阿兰若处住，先不语檀越，僧伽蓝外不受食。在僧伽蓝内，无病，自手受食食，是比丘应向余比丘悔过言：“大德！我犯可呵法，所不应为，今向大德悔过。”是名悔过法。

诸大德！我已说**四波罗提提舍尼法**。

今问诸大德！是中清净否？（三说）诸大德！是中清净，默然故，是事如是持。

诸大德！是**众学法**，半月半月说戒经中来。

齐整著内衣，应当学。

齐整著三衣，应当学。

不得反抄衣入白衣舍，应当学。

不得反抄衣白衣舍坐，应当学。

不得衣缠颈入白衣舍，应当学。

不得衣缠颈白衣舍坐，应当学。

不得覆头入白衣舍，应当学。

不得覆头白衣舍坐，应当学。

不得跳行入白衣舍，应当学。

不得跳行白衣舍坐，应当学。

不得蹲坐白衣舍内，应当学。

不得叉腰入白衣舍，应当学。

不得叉腰白衣舍坐，应当学。

不得摇身入白衣舍，应当学。

不得摇身白衣舍坐，应当学。

不得掉臂入白衣舍，应当学。

不得掉臂白衣舍坐，应当学。

好覆身入白衣舍，应当学。

好覆身白衣舍坐，应当学。

不得左右顾视入白衣舍，应当学。

不得左右顾视白衣舍坐，应当学。

静默入白衣舍，应当学。

静默白衣舍坐，应当学。

不得戏笑入白衣舍，应当学。

不得戏笑白衣舍坐，应当学。

用意受食，应当学。

平钵受饭，应当学。

平钵受羹，应当学。

羹饭俱食，应当学。

以次食，应当学。

不得挑钵中央食，应当学。

无病，不得为己索羹饭，应当学。

不得以饭覆羹更望得，应当学。

不得视比座钵中起嫌心，应当学。

当系钵想食，应当学。

不得大抔饭食，应当学。

不得张口待饭食，应当学。

不得含食语，应当学。

不得抔饭掷口中，应当学。

不得遗落饭食，应当学。

不得颊饭食，应当学。

不得嚼饭作声，应当学。

不得噉饭食，应当学。

不得舌舐食，应当学。

不得振手食，应当学。

不得手把散饭食，应当学。

不得污手捉食器，应当学。

不得洗钵水弃白衣舍内，应当学。

不得生草上大小便涕唾，除病，应当学。
不得净水中大小便涕唾，除病，应当学。
不得立大小便，除病，应当学。

不得为反抄衣人说法，除病，应当学。
不得为衣缠颈人说法，除病，应当学。
不得为覆头人说法，除病，应当学。
不得为裹头人说法，除病，应当学。
不得为叉腰人说法，除病，应当学。
不得为著革屣人说法，除病，应当学。
不得为著木屣人说法，除病，应当学。
不得为骑乘人说法，除病，应当学。

不得佛塔内宿，除为守护故，应当学。
不得佛塔内藏财物，除为坚牢故，应当学。
不得著革屣入佛塔中，应当学。
不得捉革屣入佛塔中，应当学。
不得著革屣绕佛塔行，应当学。
不得著富罗入佛塔中，应当学。
不得捉富罗入佛塔中，应当学。

不得塔下坐，留草及食污地，应当学。
不得担死尸从塔下过，应当学。
不得塔下埋死尸，应当学。
不得塔下烧死尸，应当学。

诸大德！我已说戒经序，已说四波罗夷法，已说十三僧伽婆尸沙法，已说二不定法，已说三十尼萨耆波逸提法，已说九十波逸提法，已说四波罗提舍尼法，已说众学法，已说七灭诤法，此是佛所说戒经，半月半月说戒经中来。若更有余佛法，是中皆共和合，应当学。

忍辱第一道，佛说无为最；
出家恼他人，不名为沙门。
此是毗婆尸如来，无所著，等正觉，说是戒经，

譬如明眼人，能避险恶道；
世有聪明人，能远离诸恶。
此是尸弃如来，无所著，等正觉，说是戒经。

不谤亦不嫉，当奉行于戒，饮食知止足；
常乐在空闲，心定乐精进，是名诸佛教。

明人能护戒，能得三种乐，名誉及利养，死得生天上。
当观如是处，有智勤护戒，戒净有智慧，便得第一道。
如过去诸佛，及以未来者，现在诸世尊，能胜一切忧，
皆共尊敬戒，此是诸佛法。若有自为身，欲求于佛道，
当尊重正法，此是诸佛教。七佛为世尊，灭除诸结使，

不得塔前烧死尸，应当学。
不得绕塔四边烧死尸，使臭气来入，应当学。
不得持死人衣及床从塔下过，除浣染香熏，应当学。

不得塔下大小便，应当学。
不得向塔大小便，应当学。
不得绕塔四边大小便，使臭气来入，应当学。
不得持佛像至大小便处，应当学。

不得塔下嚼杨枝，应当学。
不得向塔嚼杨枝，应当学。
不得绕塔四边嚼杨枝，应当学。

不得塔下涕唾，应当学。
不得向塔涕唾，应当学。
不得绕塔四边涕唾，应当学。
不得向塔舒脚坐，应当学。
不得安佛在下房，已在上房住，应当学。

人坐已立，不得为说法，除病，应当学。
人卧已坐，不得为说法，除病，应当学。
人在座已在非座，不得为说法，除病，应当学。
人在高座已在下座，不得为说法，除病，应当学。
人在前行已在后行，不得为说法，除病，应当学。
人在高经行处已在下经行处，不得为说法，除病，应当学。

此是毗叶罗如来，无所著，等正觉，说是戒经。

譬如蜂采华，不坏色与香，但取其味去；
比丘入聚然，不违戾他事，不观作不作；
但自观身行，若正若不正。
此是拘留孙如来，无所著，等正觉，说是戒经。

心莫作放逸，圣法当勤学；
如是无忧愁，心定入涅槃。
此是拘那含牟尼如来，无所著，等正觉，说是戒经。

说是七戒经，诸缚得解脱。已入于涅槃，诸戏永灭尽，
尊行大仙说，圣贤称誉戒，弟子之所行，入寂灭涅槃。
世尊涅槃时，兴起于大悲，集诸比丘众，与如是教诫。
莫谓我涅槃，净行者无护，我今说戒经，亦善说毗尼。
我虽般涅槃，当视如世尊，此经久住世，佛法得炽盛，

人在道已在非道，不得为说法，除病，应当学。
不得携手在道行，应当学。
不得上树过人头，除时因缘，应当学。
不得络囊盛钵贯杖头，置肩上行，应当学。

人持杖，不应为说法，除病，应当学。
人持剑，不应为说法，除病，应当学。
人持矛，不应为说法，除病，应当学。
人持刀，不应为说法，除病，应当学。
人持盖，不应为说法，除病，应当学。
诸大德！我已说众学法。今问诸大德！是中清净否？（三说）
诸大德！是中清净，默然故，是事如是持。

诸大德！是七灭诤法，半月半月说戒经中来。
若比丘有诤事起，即应除灭。
应与现前毗尼，当与现前毗尼。
应与忆念毗尼，当与忆念毗尼。
应与不痴毗尼，当与不痴毗尼。
应与自言治，当与自言治。
应与多觅罪相，当与多觅罪相。
应与觅罪相，当与觅罪相。
应与如草覆地，当与如草覆地。
诸大德！我已说七灭诤法。今问诸大德！是中清净否？（三说）
诸大德！是中清净，默然故，是事如是持。

一切恶莫作，当奉行诸善；
自净其志意，是则诸佛教。
此是迦叶如来，无所著，等正觉，说是戒经。

善护于口言，自净其志意，身莫作诸恶；
此三业道净，能得如是行，是大仙人道。
此是释迦牟尼如来，无所著，等正觉，于十二年中，为无事僧
说是戒经。从是已后，广分别说，诸比丘自为乐法乐沙门者，
有惭有愧乐学戒者，当于中学。

以是炽盛故，得入于涅槃。若不持此戒，如所应布萨，
喻如日没时，世界皆闇冥。当护持是戒，如牝牛爱尾，
和合一处坐，如佛之所说。我已说戒经，众僧布萨竟，
我今说戒经，所说诸功德，施一切众生，皆共成佛道。
新制定四分僧戒本 终